

91037
14

篁村詩集



道光己酉仲秋

孫男成沅謹重刊

孫男成沅謹重刊

篁村集目錄

上海陸錫熊耳山撰



卷一

陵陽前稿

余初就塾時先慈太夫人卽授漢魏古詩多能成誦十歲先祖通議府君任石埭

學博余從之官先祖於課經餘暇令誦唐宋諸家詩心輒好之始學爲吟咏而以有妨舉業亦不多

作草稿久已不存昨讀禮歸家偶從敗篋中檢得數章多先祖以丹黃批抹手澤如新泣然流涕因

錄之爲陵陽前稿石埭博士官舍在陵陽山麓漢竇子明登仙處也

十一月初十日梅放

登陵陽山晚謁仙壇宮

躍龍池縱步限韻

獨渡篇

短歌行

出自薊北門行

捉搦歌

企喻歌

猛虎行

行路難

次韻送卞憲斯歸鑿江

漫興

東歸稿

余年十七先祖命歸里應童試未售培心願
丈為余姑之夫留余讀書海濱者一年存詩
數首錄之為東歸稿

舒溪歌別卞大與升

別卞二憲斯

別陳凌九

寄別王松巖

橫塞灘

桃花潭

涇縣

青弋江

芮家嘴

高淳河

結交行贈張子奕蘭

方廣菴訪道源不值二首

壬申立春日試筆

余有埭行舟抵金閶矣僕忽疴疾水道復溷買舟
仍返漫成此章

舟中曉發

秋日雜興三首

雜興

陵陽後稿

歲壬申余復自里中赴石埭居一年而先
祖通議府君致仕歸余隨侍還家存詩若
干首為陵陽後稿

山城

憶遠曲

焙茶詞

寄張子奕蘭

折楊柳

春江花月夜

瓶中梅影

相逢行

放歌行

團扇郎

曉入後圃見落花

雨中作

長歌行

雪潭

魚龍洞

癸酉夏日將自埭上旋軫敝廬與同學諸君子別

爰賦二律以贈

培心堂夜集卽席賦呈古心吳丈兼送入都謁選

二首

卷二

浴鳧池館稿上

余自癸酉歲從先祖父通議府君歸里越明年補博士弟子員旋肄業紫

陽書院數往來吳門與四方賢士大夫遊吟壇酒社更唱迭和所得篇什稍多迄已卯舉於鄉蓋先

後里居者六年存詩若干篇輯爲一卷浴
鳧池館者余家園水榭少日讀書處也

雜詩三首

夜雨簡奕蘭

中秋夜碧梧草堂玩月歌

有憶次徐玉崖韻四首

神絃曲

鳳雛曲

主客行

送劉介亭先生按察福建二首

秋夜懷張大奕蘭因呈東臯諸子

鼎實堂歌呈學使李晉齋先生

題問雲詞十二首

春草次徐玉崖韻四首

讀史漫興二首

戲鴻堂石刻歌

舟宿白蓮涇得吳大冲之見懷作卽用原韻卻寄

旅舍對酒

袁崧墓

永定寺

巽龍菴看秋色

送歸昇旭歸常熟四首

寄施硯齋甘肅

飲芭蕉露和點雲夫子二首

哭顧甥六吉

清明後三日同人集青蓮禪院文讌卽席賦句四首

題友人探梅小影三首

丹鳳樓秋集

荷珠二首

雜興二首

贈陳雲村時讀書申江書院

卷三

浴鳧池館稿下

題談秋帆師飛仙圖

題葉二葍岑觀穫讀書圖

友仙亭

東菴

題東侖蔣氏別業

寄沅江吳古心明府

哭族父西崖先生六首

讀史雜感八首

雨中入中峯寺坐水明樓成二絕句卽次念亭上

人韻二首

蔣大芝巢蔣二琴山招陪沈歸愚宗伯彭芝庭司

馬及諸同學集繡谷送春歌

春郊射獵圖爲蔣蟠猗賦三首

青瑤池館夜集分賦得石字

遂初園歌賦呈拙菴吳丈

和少華竹嶼病起相晤曇華閣之作四首

寄內絕句六首

過德雲菴贈蕙園上人

七夕和韻四首

登橫雲山放歌

聞木樨香有作

北城對月懷葑岑因寄四首

寄施上舍光祖廣西

過古香園夜飲有懷

飛鴻堂印譜歌

春日雜感三首

遊橫雲山同陳雲村孫筠亭分賦得五古

題晉陽申五兆定山樓聽雪圖卽送其省親杭州

題陳硯齋竹礪清吟圖

雪蕉

賦得絲萼

過飲朱棗山齋頭卽席賦謝

題王石泉小影

春日感懷示內子二律

卷四

席帽稿

余已卯鄉試獲貢禮部庚辰計偕入都磨勘殿一舉因館莊邸者一年辛巳成進士六月

歸里會

聖駕南巡獻賦

行在所蒙

恩

召試授中書舍人遇缺卽補壬午六月抵京入直前後三年存詩數十首

都爲一卷日席帽稿

鄉試月印萬川

爲閻邱秀凡壽三首

皇姑寺

石景山

潭柘岫雲寺四首

姚少師影堂

渡渾河

戒壇千佛閣

寄內子札意猶未盡續得二十八字

贈王曉園戶部

會試賢不家食

御試五月鳴蜩

爲朱錫田壽

玉峯阻風四首

除日吳門舟次用東坡臘日遊孤山訪惠勤詩韻

賦呈龍華大兄

舟中咏冰次東坡聚星堂雪韻卽用其體

澄江晤金韻言卽送其從劉學使之淮上

澣墅除夕絕句三首

皇木集
贈張默存同年二首

蓉江道中懷人絕句二十六首

召試江漢朝宗

恭和

聖製自金山放船至焦山用東坡韻元韻

恭和

聖製初登金山元韻

恭和

聖製題釣魚臺元韻

恭和

聖製維揚覽古元韻

贈凌雷州竹軒丈

題陳研左荷香小影

題朱紹庭江樓春曉圖

爲家觀察兄祀亭壽

爲都運葉東壺先生壽三首

答薛茂才

題畫二首

贈朱三棊山四首

題沈砥亭太守勸農圖

嘉平下浣讀趙璞函同年送弟禮叔南歸之作
觸羈愁茫茫交集援筆率和情見乎辭既以贈
別并寄示故鄉諸子四首

送范大申如之官廣東二首

題施秋水紅葉西村夢影

題慧公上人照四首

題趙甌北同年耘菘圖卽送出守鎮安

賦得桂林一枝

扈

蹕發京師馬上有作二首

木蘭扈從二十首

木蘭行帳有惠酒蟹者賦此謝之

卷五

橐中稿一

庚寅五月余以宗人府主事奉命偕簡

戶部昌璘典廣東鄉試六月四日出都十
一月還朝往返半載途中得詩百餘
首取史記陸生傳語名之曰橐中稿

涿州與祝芷塘編修別時編修使蜀

毛萇故里

河間不得見劉二桐引賦此卻寄

發富莊驛大風雨作歌

自德州至恩縣作二首

桐城驛望東阿諸山

東阿舊縣雨宿

東平道中卽目

次汶上作

兗郡寄家人並懷後園草木四首

庚辰上春官偕同年王丈延之宿中山店題詩逆

旅壁間今重過其地而王丈下世已五年矣愴

然續題卽用前韻

韓莊閘口望微山湖

徐州渡河

彭城詠懷古蹟三首

門人孫孝廉岳灝送我於河隄詩以示之二首

傷徐超亭教授

臨淮廢縣

濠梁雜詩三首

定遠靖國公祠

合肥龔端毅公故宅

北峽關見錢香樹司冠山行題壁詩卽次其韻同

玉亭農部作

翌日發桐城復倒押前韻邀玉亭農部和

潛山道中愛其風景清絕漫成一律

小池驛書壁二首

白潛山至太湖山行雜書所見四首

將至楓香驛道旁有古松一株奇矯特甚爲贈一

絕

黃梅卽事

初抵江口

渡潯陽江

登琵琶亭作

潯陽夜雨

出九江南門上廬山麓

東林寺用陽明山人壁間石刻詩韻

三笑堂

西林寺

南唐後主祠

望天池不得登有作

廬山謠九江道中作

卷六

橐中稿二

題德安縣清泉亭

安義山中紫薇花最盛田家以編籬落爛漫彌日

戲題一絕

奉新夜宿題徐氏樓壁

抵高安

誰家

贈臨江李滙川太守

臨江吸川亭舊傳王荆公生處感題二絕

新淦江上二首

周公瑾墓下作

峽江七夕

過吉水丞張君官舍題贈二首

吉安喚渡二首

廬陵文信公祠

吉州雜題四首

苦熱十六韻

御巷

萬安縣

一滴菴小坐

發烏兜驛行三十里天始明

贛州道中二首

同年衛松崖明府惠儲茶一器賦贈

登八境臺二首

下金雞嶺渡芙蓉江抵南康縣城作

過大庾嶺

曲江舟次柬廣州趙雲松太守

定圃中丞監臨試事闈中次法陶菴先生壁間石
刻詩韻見示依次奉呈

奉和定圃中丞中秋卽事用陶菴先生元韻

八月十六日試院夜集賦呈分校諸君二首

填榜口號

鹿鳴宴畢疊次前韻賦呈定圃中丞二首

翁覃溪學使招登鎮海樓遊六榕光孝二寺用諸

城相國師舊作韻賦詩見示奉次二首

海珠寺

翁覃溪學使從侯官林上舍見其祖吉人舍人所

藏漢甘泉宮瓦因倣製爲硯并拓其文裝成行

看子屬題其後爲賦長句一篇

拱北樓遠眺作

趙廣州雲松招同簡農部曹瓊州舒韶州泛舟珠

江集海幢寺卽席賦贈二首

珠江竹枝詞四首

雨中舟次中宿峽夜入飛來寺題山暉堂壁示雪

菴上人二首

韶州九成臺晚眺

南雄郡樓別張蒙川太守

滕王閣

卷七

橐中稿三

陪瑤華主人遊盤山千相寺分韻得亭字二十韻
扈

蹕自烟郊至白澗馬上大雪作

遊盤山古中盤作四首

題蔣心餘前輩歸舟安穩圖

送費芸浦太守之官江南

題錢方壺先生照

題阮裴園先生勺湖草堂圖三十六韻

題阮吾山秋雨停樽圖四首

分賦得有竹莊送紀心齋先生南歸

題查恂叔所藏宋謝疊山橋亭卜卦硯

聽泉圖爲劍亭舅氏題

賦得匠成翹秀

題李耘圃滇南遠行圖

題周東谷聽泉圖卽送之官中州

題牛師竹舍人小影

賦得苦菜秀

乙未新正三日蒙

恩召入

重華宮茶宴恭紀四律

平定兩金川大功告成恭紀

卷八

橐中稿四

題韋約軒前輩秋林講易圖

集翁覃溪前輩小蓬萊閣賦宋蘇文忠公雪浪石

盆銘拓本卽次東坡雪浪石詩元韻

題馮筇山蕪湖秋泛圖三首

薛素素自寫小影爲陳伯恭編修題四首

張梅溪牧牛遺照其子西潭觀察屬題

買桐風雨卷爲張西潭觀察賦

韋約軒前輩招遊怡園登四松亭賦贈二首

兒子慶循將讀書永樂禪院因書韓文公符讀書

城南詩示之并次韻爲賦一篇以勗

鄭雲門編修屬題其祖中允君所藏

御賜新民硯

褚筠心學士席上同約軒中丞習庵中允作四首

三月十五日雨

題朱凝臺桐陰小影二首

題張涵齋侍講得樹軒五首

立夏日齋中作

哭宋小巖同年二首

三月二十七日同曹習庵中允吳稷堂吉士出遊
右安門外歷普濟宮至豐臺王氏舊園而還二

首

四月朔日偕褚筠心學士張涵齋侍講吳白華庶
子曹習庵中允小集約軒前輩有椒書屋分體
得五言古詩一首

四月初七日行常雩禮

上躬祀

園丘侍班恭紀

清秘堂齋宿作

送約軒前輩典試雲南二首

蒙

恩賜蘭亭八柱帖恭紀二首

西苑退直遇雨

攜二子遊廬山圖爲蔣心餘前輩題

題沈心齋太守出山圖卽送之官泰安三首

題舒謹齋郎中課兒圖四首

將遣兒子南還而行期未定中宵感坐觸緒成咏

情見乎辭二首

庚子元旦

太和殿早朝侍班恭紀

吳香亭同年招集引藤書屋屬題古藤詩思圖用

李西涯學士柏詩韻

約軒前輩聽雨樓新居次施耦堂侍御韻二首

武昌閔上舍貞白追摹其二親像爲薦食圖同人

各爲題句余亦賦五言一首

題歸航圖送吾山侍御假歸淮陰三首

恭和

御製經筵畢文淵閣賜茶元韻

卷九

橐中稿五

辛丑正月四日齋宿光祿署作

正月五日

太廟省牲恭紀

正月七日

聖駕宿齋宮先謁

皇乾殿侍班恭紀

正月八日上辛陪祀

祈穀壇禮成恭紀

正月九日蒙

恩召入

重華宮茶宴以快雪堂帖命題聯句卽席恭和

御製元韻二首

同年公讌於邵香渚給諫宅卽席口號一首

十一日復集香渚給諫宅偕孫補山中丞用前韻

柬曹習庵宮允

十三日和補山醉歸惘然有感賦柬習庵之作三

豐前韻

習庵以詩招同人小飲四疊前韻奉答

十四日汪雲壑修撰讌席補山遇風未赴作詩以

柬習庵余亦繼和五疊前韻

和補山促習庵和章之作六疊前韻

十七日補山招同人集百一山房七疊前韻

張涵虛侍講久不作詩一夕和疊字韻詩成七章

詞旨兼美走筆奉答八疊前韻

十九日家礫士少詹招同人飲陳伯恭編修宅余

以事未赴九疊前韻

二十日褚筠心學士宅讌集十疊前韻

禊墨齋羣花盛放習庵有詩次韻奉和四首

恭和

御製春仲經筵元韻

恭和

御製經筵畢文淵閣賜茶作元韻

題馮星實同年潞河督運圖

兒子慶堯將從其婦翁星實方伯於江西藩署以

詩送之四首

恭和

御製經筵畢文淵閣賜宴以四庫全書第一部告成度
閣內用

幸翰林院例得近體四律首章卽疊去歲詩韻元韻

恭和

御製仲春經筵有述元韻

癸卯新正蒙

恩召入

重華宮茶宴以職官表命題聯句卽席恭和

御製元韻二首

恭和

御製降旨全免甘肅歷年緩徵積欠詩以誌事元韻

恭和

御製彙萬總春之廟成因題句元韻

恭和

御製戒得堂東望元韻

恭和

御製題佩文詩注元韻

恭和

御製幸避暑山莊卽事得句元韻

恭和

御製密雲道中作元韻

恭和

御製出古北口詠事元韻

恭和

御製至避暑山莊卽事得句元韻

恭和

御製永佑寺瞻禮元韻

寄孫春臺方伯二首

寄費芸浦方伯二首

卷十

雪颿稿上

余邁家艱甲辰二月抵舍卜地營葬至冬未始克襄事明年植松楸築丙舍料理粗

畢乃以十月買舟訪同年孫補山中丞於粵東抵豫章而補山適奉召入朝遂不果行復泝

江至鄂渚而歸丙午正月旋里時與張孝廉立人同舟偶有吟咏立人輒爲余抄錄成帙因名之曰

雪颿稿

喬鷗村刺史甫莅岷州而石峯堡回民構變奉檄
守城賦詩紀事從郵中見示因和二章卻寄

訪舊毘陵金蔭庭太守留榻郡齋旬日歸舟以二
詩寄謝

題李筍香烹茶洗硯圖

題李柳溪攜孫登岳陽樓圖

題張丈遜亭秋林靜寄圖

玉壘張丈招飲塔射園賦贈二首

飢驅之故將作粵遊攀戀松楸詩以誌痛二首

題鄭輔堂別駕吳淞放艇圖

造次成行計非獲已舟中默坐有感然不自得者

因讀東坡和陶詩輒效其體爲和貧士七篇以
抒寫其意

武林門舟次晤謝肇渚太守時方奉其母夫人柩
歸葬紹興

杭州寓舍雨坐因成短歌

自杭啟行有作

富春江行卽事四首

桐廬

舟中犬

嚴子陵釣臺

七里瀧

嚴州曉發

泊蘭溪

舟夜次立人韻

衢州贈費芸浦方伯二首

水落灘乾舟行濡滯西安至常山百里二日方達

詩以志悶

玉山登舟

曉至湖口鎮

鉛山道中追悼蔣心餘前輩作

貴溪縣齋示門人鄭大令高華

舟行遇風有作二首

寒鴉行

瑞洪聞雁

昔與姚佃芝臬使雪中同直西苑用清虛堂韻賦

詩忽忽十五年矣道經豫章喜復相見天寒欲
雪追念舊事感嘆彌禁因復次舊韻爲贈

至日登滕王閣

南昌不得拜裘文達公墓感賦

贈權江西巡撫舒大司空

鄱陽湖

星子令門人王千驥過舟中夜話

過南康不及遊廬山

北風吟

大孤山

湖口簡佃芝臬使

石鍾山

九江雜成四首

粵行不果因道溢口泝江訪吳樹堂中丞於武昌

書此見意四首

瀕行兒子慶勳以先文裕公秋興詩八首墨蹟卷

請題字攜置行篋舟中無事感念生平因盡次

原韻以竊比於秋興之義爲附書卷尾其卒章

則專及本事也

卷十一

雪颿稿下

十二月四日四首

江行四首

黃州雜詠四首

雪堂

臘八日作

贈吳樹堂中丞二首

費公祠

遊崇府山劉氏園亭有懷吳白華京兆

登黃鶴樓放歌

武昌月夜

章湖莊太守罷襄陽郡將遊湖南詩以送之

江中望晴川閣

發武昌有述二首

贈周眉亭觀察二首

舟中夜坐賦示立人索和二首

彭澤縣

金剛峽阻風

小孤山

望江除夕用東坡集除夜野宿常州詩韻二首

立人見和前詩疊韻奉答二首

正月三日發華陽鎮遇風復還香口宿

東流阻風偕立人步入山徑得小蘭若偶坐

立春日成口號三首

未至皖城十里遇風泊光洲入夜風大作簸蕩竟

夕復次前韻

贈書紱亭中丞

贈陳勤齋方伯

贈馮魯巖臬使二首

十二日初發皖口東北風又作再用前韻示立人

十三日遇西南風復次前韻

桐城江上有懷姚姬傳禮部

舟行得順風頗厲江濤洶壯立人有懼色詩以解之

大通望九華山

蕪湖元夕點市中所鬻鐵畫燈以詩咏之

孫松友司馬從金陵古董肆得國初史大成繆沅

兩殿撰手札各十通古勁可愛舟次見示為題

二絕

金陵感舊

登燕子磯入永濟寺

風便自江寧一日至鎮江而運河方疏濬因泊江

岸候啟壩

浣舟江中獨遊金山用東坡大風留金山詩韻

開壩謠

後開壩謠

築壩謠

卷十二

篁邨賸稿

此卷乃先君子自乾隆丙午至壬子凡

學閩中奉使

陪都諸役王事

朝僕值以及視

吟咏正復不少

慶循等皆未能隨侍迨瀋陽凶問

至慶循星犇而往檢點行篋中遺稿已佚其半僅

得詩若干首今全集既付梓人爰編此卷于後而

以詩餘附之先君子每成一帙皆自名其稿綴

言簡端以誌顛末獨此賸稿殘箋尚未編集爰目

之日篁村贖稿以承先志後之人如有續
獲散佚者幸卽賜示補刊焉慶循謹識

新城道中咏霧淞花

道遇范吉夫入都口占贈之

有懷都下同里諸公賦此卻寄

昌道任

平原夜宿二首

長清山行遇雪

望岱

羊流店爲羊太傅故里

泰安與吳稷堂邱芷房兩編修同飲蔡小霞太守
郡齋時吳邱典浙試回京小霞由詞林出守亦

甫兩月耳

自新泰至蒙陰道中有作三首

沂州

李家店早發二首

試南劔日見兩廊燈火青熒口占二律示諸生
賦得雨中荷葉終不濕

奉

命赴盛京典校初發京師有作

瀋陽書局見成警齋司空翁覃溪閣學福景堂京兆黃文橋明經倡和之作依韻奉呈

疊前韻贈文橋明經

疊前韻呈警齋侍郎

疊前韻呈景堂京兆

疊前韻再和警齋見贈

再疊前韻奉和覃溪前輩留題書局之作二首

題馮孟亭丈捧硯圖

題法時帆學士山寺學詩圖次覃溪閣學韻

書張文敏公遺照後

讀曹聲振表弟遺集三首

辛亥元日早朝恭紀

寒食日作

西直門外郊行

送郭紫仲令石埭二首

贈周眉亭方伯

送姜度香少司寇巡撫湖南二首

題馮星實夢蘇草堂圖

恭和

御製招涼榭有會元韻

恭和

御製永恬居元韻

恭和

御製口內一首元韻

恭和

御製烟雨樓對雨元韻

恭和

御製題仿倪瓚獅子林圖六疊前韻元韻

恭和

御製題澄觀齋元韻

恭和

御製題文津閣元韻

香亭同年招集盆桂花下有作

巴蘊輝臬使被

命同纂八旗通志有詩見示次韻酬之二首

一亭吳君屬謝生恩焜以所著北遊草見示爲題

四絕卷端

題四松主人詩集用陳后山贈趙德麟韻二首

瓶中米罄因成短篇示家人

辛亥除夕題張平伯遊黃山詩卷後四首

三臺子旅店遇雪口號二首

詩餘附

邁陂塘

二闕

卜算子慢

點絳脣

二闕

減字木蘭花

水調歌頭

過龍門

祝英臺近

唐多令

采桑子

賀新郎

二闕

永遇樂

摸魚兒

水龍吟

賀新郎

百字令

滿江紅

點絳脣

南鄉子

篁村集卷一

上海陸錫熊耳山撰

古今體詩五十一首

十一月初十日梅放

那嫌冷署少繁華先遣春光到我家南枝北枝色璀璨
園丁驚報開梅花吾愛梅開惜梅老摩挲不間暮與早
蒼顏勁骨對東風縱令無花亦自好

登陵陽山晚謁仙壇宮

石磴崢嶸衆壑晴萬峯遙對一坡平高秋絕頂鳥雀少

白日下方雷雨生空院虛無鸞鶴影荒壇搖落古今情
聞鐘忽憶巖城閉十里松林月自明

躍龍池縱步限韻

山郭晴光逼九秋客情鄉思兩悠悠鳥隨林葉歸寒渚
風捲泉聲落翠樓白起巖前雲百尺黃知霜後橘千頭
清溪咫尺琉璃界更覓桃花渡口舟

獨漉篇

獨漉獨漉淖泥陷軸雖則陷軸畏我車覆當門有柳蟬
鳴嘒嘒蘭生於下旋卽鉏棄入江知海登邱知山賢人

勿交有覩其顏蒙茸之敝猶稱狐裘我雖廢棄可以自
修朱門雙戟焉知虛室逢人夜行焉辨良賊爰爰者免
來將九子雖營三窟終斃一矢仙人者誰姓王名喬萬
年可期與爾逍遙

短歌行

富勞不如貧逸貴遊不如賤歸富貴豈不佳貧賤人所
非挾瑟羅清尊舊廬信可依仲子居於陵蒙叟灌園畦
豈不欲富貴所取知先幾北邙塚纍纍祖帳都門稀請
看玉山粟何似首陽薇

出自薊北門行

猛虎不歸山鷲鳥不戢翼丈夫萬里心焉能顧家室漁
陽震鞞鼓長安傳羽檄匈奴入鴈門天子怒徹食聞道
霍嫖姚臨軒親受敕十萬羽林軍練甲內庭織風勁蕩
寒沙對面不相識冰衣冷於鐵霜結笳口塞駿馬慘不
行旌旗淡無色暮宿陰山邊天高月輪白

捉搦歌

一夫兩心拔刺不深一馬兩足無岡折軸一女兩夫覈
其無徒無徒將奈何君堂有高筵君身有綺羅停君春

夜舞聽我捉搦歌

企喻歌

將軍姓慕容白馬身下騎前軍并後隊都是幽州兒

猛虎行

猛虎死山中空谷猶生風猛虎死林間皮毛猶斑斑寧
爲一死虎毋爲百夫懦懦夫最弱貧士最苦貧苦財少
富苦財多狐欲渡河其奈尾何貧士雖賢不離草蔬

行路難

珊瑚產於大海南海水漫漫蛟龍蟠明珠產於太行北

羊腸之阪高九曲山可碎膚海可沉君何顧利不顧身
行路難黃河如帶孟門如關彭彭者車如上青天行路
難今日在故鄉惡人亦同堂明日在天涯善人亦虎狼
仰天悲歌泣下霑裳

次韻送卞憲斯歸鑾江

花間酒盞竹間棋難忘悲歌拓戟時胥浦春潮舟下穩
舒溪秋雨鴈來遲一窗貯月長相望雙鯉憑風寄所知
君到平山堂畔路醉翁行處草離離

漫興

好鳥時一聲遙岑銜寸碧終日掩柴門春風自偷入

舒溪歌別卞大與升

舒溪之水去悠悠我促行裝君滯留舒溪之山烟漠漠
離酒一樽出山郭龍鱗皺水清風來搖檣鼓柁凌晨開
回頭重望金城路遠樹蒼蒼隔烟霧安得舒溪西北流
載我離愁向君處

寄別卞二憲斯

孟春握別到河橋今日分流山水遙君住獨愁瓜步月
吾歸頻夢海門潮鷓鴣啼雨悲疎濶鴻鴈鳴秋訴寂寥

後會懸知桂花發清溪十里弄輕橈

別陳凌九

宿鳥戀本枝羈人懷故鄉悠悠遠行邁
逝將去陵陽陵陽學士知幾人平生與君最相親
高才磊落不易得揚眉奮肘談經綸一鴈橫沙失儔侶
客思離愁渺何許野艇微風鷗鷺飛寒塘落日鳩鵲語
國風懿雅劣西京尾掉鱗張挾雨騰菲才難附冥鴻翅
愧爾翻飛九溟鵬

寄別王松巖

憶自前年送君別黃沙漫漫天雨雪絲繩相酌酒不溫

凍帆欲轉河流結此後相思雨渺綿扁舟吾又向吳天
暮潮不到揚州郭雙鯉啣書那得傳

橫塞灘

嗟哉橫塞灘茲險何由奠山青削兩崖天白露一線衆
壑競奔流斜曳萬丈練劉土濯山根亂石纍纍見水洲
列四五沙卵成高堰上生芷與蘅其色頗葱蒨清流歧
數支觸石珠交濺縈迴轉似輪激駛直如箭崩波恐一
決百丈從後牽木篙拄兩肩跳躍左右踐迂久始過灘
回顧猶驚顛坦率情所趨行險理非便因之悟至道長

嘯得所遣

桃花潭

衆流滙爲淵其水清且泚巖石鬱成坡森列如壁壘南
爲范家村北爲翟家里土人皆聚族墻宇參差起凌晨
發湖濱薄暮艤水涘雲屯巘冑白烟薄山露紫團團啄
菰鷗躍躍撇波鯉旅人洗征顏極目因倚徙忽憶謫仙
人當年曾至止揮毫氣凌霄把酒臨江釃文采雖尙存
風流今已矣祇餘弔古情深比桃花水

涇縣

古涇稱大縣其地平且寬翠嶺左右列若擁兩黛鬟高
城遭洪波百堵半摧殘短垣存幾尺特立如孤巒北闔
屹尙在外內通闐闐芷蘭映水馥松柏參天寒沿洄爭
石罅舟子號艱難翩翩沙頭鷺飛飛意安閑扣舷恣游
目使我舒心顏

青弋江

前行阻一溪溪水何渙渙云是青弋江極目因眺翫
巖雲擁樹崩奔水侵岸危枝棲野鶻頽壁叫沙鷗妝明
女獨浣風定漁相喚棟宇似鴈行舸艦如魚貫烟迷近

嘯平霧捲高峯亂嵐光挾水氣欲浸遙天爛攬景因澄
懷九垓期汗漫既秉上皇心復契丹砂散願隨王子喬
接引上霄漢

芮家嘴

迢遙芮嘴關寂寞關王廟舟行疲困劇挈侶因臨眺銀
光一望連赤日相照耀近壑既參錯遠谷亦窸窣村深
午市喧樹遠輕烟罩荷鋤羣叟歸披簑一翁釣俯察修
鱗游仰聽哀禽叫物尚得安閒人何苦奔峭慙無繕性
術願學攝生要寄謝往來人悠悠孰同調

高淳河

是日立夏

芳菲尙未歇節候屆朱明揚舫高淳河游目暢我情廣
長三十里波濤浩縱橫遠近渾不辨一片光晶晶已覺
後路遠不見前途迎四顧失涯岸惟見蒼烟平臨流不
敢唾恐使蛟龍驚遠帆滅浩蕩如蟻緣墻行旁多施蟹
籬曲折同連城葭菼莽積蒹藻綿綿生入湖方昧日
出湖日西傾吾行三百灘水淺苦不盈茲湖深莫測又
使心怵怵至平莫若水尙爾無真衡念無同懷子茲理
冀誰評

結交行贈張子奕蘭

暮春三月風景明古幹森列垂新英交交上有倉庚鳴
百禽雜逐刷羽翼相顧纏綿如有情靜觀物理徒太息
人生歡會豈有極素絲入染白黑分要令結交如辨色
吾家舊對五老峯竭來羈跡陵陽中陵陽風景差可悅
苦少良友能趨風晨登山閣更延佇形影相弔嗟誰同
有壺當軒忍自酌有句在卷疇能攻溪杏山桃幾開落
八載沉沉經寂寞苦戀南枝感越禽蒲帆十幅飛難泊
薰風習習毘陵道芳樹離離姑蘇郭姑蘇城外草芊芊

此去風光倍可憐故鄉翻多新雨樂握手一笑齊歡然
橫渠夫子臯比前陳生神交已四年鴈行忝列王與葉
徐顧亦辱相周旋就中諸子誰最賢清河公子尤翩翩
忽如麒麟行繡陌虬枝上蔭臨清泉駉鸞翳鳳杳莫測
倍令俗眼光鮮妍孝廉文章久沉湮顧爾落拓還海濱
我來膝坐談累夕相與浩蕩觀人文前唐後宋各有選
戛金敲玉何繽紛手持巨筆扶大雅天地炯炯迴陽春
嗟余抱拙獨自守欲渡不得勞心神

六龍今歲飛淮甸結駟連纓聚英彥獻策羣登金馬門

九重移榻頻呼見張郎汝是一世豪縱橫氣與秋天高
胸中一尺和氏璧提攜來獻超羣曹青雲會見足下起
瓊林作歌吾其叨
方廣庵訪道源不值
岑寂禪關深閉門問師何處渡清樽半庭黃葉西風裏
休沒遊人屐齒痕
想是隨方到碧峯衲衣空掛五株松題詩粉壁休相訝
客至非緣飯後鐘

壬申立春日試筆

裁幡剪勝記陵陽歸後俄驚草又芳一歲候偏占兩歲
故鄉春自勝他鄉柳堤烟暖青舒眼梅沼冰消綠映粧
却憶辛盤官閣裏也應杯酒醉韶光

余有埭行舟抵金閭矣僕忽疴疾水道復涸買舟
仍返漫成此章

行裝只向闔閭臺征客翻將歸棹催心逐暮雲飛共遠
身如潮信到仍迴亂山極目庭幃杳落照連村戍角哀
惆悵姑蘇城畔雨曉風吹去又吹來

舟中曉發

片帆帶月宿寒烟半夜潮生旅夢邊斗柄壓秋低插地
雲根抱雨遠遮天纔分曙色催蘭漿又雜雞聲聽馬鞭
同是悠悠湖海客短篷孤枕尙高眠

秋日雜興三首

入秋每事感飄蓬那更愁心結萬重賦拙自難通漢殿
瑟工何苦挾齊宮鳳鸞歷歷歸雲外蕭艾紛紛到眼中
從此一編須努力下帷三徑任苔蒙

庭幃半載別音容凝睇雲山隔萬重官舍秋雲凋薜荔
故園夜雨濕芙蓉加餐須信金風厲遣興還憑玉液濃
珍重家書無別意早歸五老一扶筇
欲訴難言恨滿腔暫來欹枕伴銀缸臥聽蟋蟀更三鼓
起對梧桐月半窗捲幔那堪人又靜凭闌無限意難降
不知交甫寒江上可有明珠乞一雙

雜興

北極遙分太液波閩疆草木越山河火雲六月燒禾稼
滄海三冬轉舳艫戶擁老羸頻拜賜市昂珠桂未全蘇
和風膏雨都天意深望祈詞變賽歌

山城

山城蕭索似天涯半載羈棲苦憶家故國已憐空有鴈
異鄉何況并無花夕陽樓外疎疎雨古樹村邊點點鴉
此際登臨慢回首恐教愁思入清笳

憶遠曲

鯉魚風起江濤惡昨夜郎船何處泊武昌遙望天上頭
客夢况隔巴江秋杜鵑不解催歸去處處征帆送津樹
日落黃陵古廟烟秋風那顧客衣穿霜天手冷鷓絃歇
苦鴈聲中墮寒月紅顏寂寞寧自嗟只念遊子羈天涯
破屋孤燈枕如水也應似妾空閨裏

焙茶詞

山溪夜半天迴春幽鼓亂綠如荆榛老枝乍迸龍角細
嫩蕊漸展槍旗新空中甘露白於乳點點灑入蒼蛇鱗
雲深苦釀清味出蛙識香氣飛來頻清明新晴穀雨到
山杏未落猶初旬銀釵女兒唱歌去澗邊結隊疑樵薪
攬衣恐牽低榦折纖手摘向筐籃勻柴門歸來日亭午
拂拭竹几鋪青茵紛紜似掃落後葉先拾細嫩清埃塵
地爐滿熾榦樹炭姊妹環坐兒旁蹲員筐傾綠炙雷筴
軟蒲候火宜調均柔黃細碾碧雲煖葉葉捲翠如新筠

蕤甌貯香春滿盃異品先饋東西鄰山中無田可耕種
靈芽自茁非艱辛遠商販買足衣食空手不畏家人噴
伊余時病茂陵渴筆牀茶竈常相親有錢便欲買山住
年年春雨無憂貧

寄張子奕蘭

舊歡寂寞鬪茶時鄉夢頻煩夜月知江上有花應獨看
客中對酒每相思數行宿鳥千山瘦一棹春風五兩遲
欲訂歸期恐誤却只將離恨寫烏絲

折楊柳

妾心似柳絲郎心似柳絮柳絲牽更長柳絮飛何處日
暮大堤南相思淚如注

春江花月夜

結綺西闌日初落花雜春風逗羅幕晚妝遙對玉鏡明
宮奴擎燭樓頭行御溝水皺魚鱗綠脂粉流來膩如粥
後庭狎客呈新詞麗華醉濃聲嚶遲君王夜夜眠清豔
不用樓船鎖天塹景陽井荒歇晚鐘清溪妖血流初紅
春江自東月自去不見宮中看花處

瓶中梅影

軍持手汲暮江寒移近書檠瘦影攢不是竹籬無月到
幽人紙帳愛相看

相逢行

寶劍黃金玦紅纓白玉錢相逢不相揖徑醉酒壚邊

放歌行

曠曠旭日天門開漢家宮闕凌蓬萊三千劍履空碌碌
草莽亦有諸侯才身長七尺貝編齒不脫荷衣謁天子
未央前殿夜陳詞侍臣太息天顏喜片言立取萬戶侯
奇遇不數車千秋甘泉昨夜羽書急請劍欲斬樓蘭頭

龍堆踏雪霜蹄怒風斂雙旌日將暮一聲霹靂角弓鳴
萬里長天捲塵霧饒歌唱入長安城麒麟閣上新題名
俠客華堂擊燕筑妖姬畫檻鳴秦箏肘後空懸印如斗
祁連象塚黃腸朽昔日英名蓋地垂回首西風竟何有
試看落魄高陽徒他年得喪誰最多新豐美酒正堪買
今汝不飲何爲乎

團扇郎

素紈掩秋月不爲見時羞妾貌因郎瘦翻憂郎見愁
曉入後園見落花

半隨逝水半飛塵還逐東風過別隣不是花枝易零落
開時慙愧未曾尋

雨中作

春烟漠漠水初生隔院遙傳百舌聲最是客愁消未得
杏花寒雨過清明

長歌行

今吾不樂氣結填膺雖有錢刀不如友朋解一狐裘蒙戎
雨雪滿野男兒徒步泣涕車下解二相彼崇邱蓬生孔多
宛宛幽蘭當階則鋤解三豈無周行載輸爾載中流一壺

覆日不敗解四蟬則有蛻豹則有皮沒世不稱吾生何為
解五井渫之棄使吾心惻百爾君子好是正直解六

雪潭

理楫泝空明十步溪九曲溪石飲渴虎猙獰睥其目衆
流爭一川路轉兩崖束噴雷殷地動盤渦鬪車轂渟泓
三百畝萬派此歸宿冥冥四山合倒影見雲木破碎無
定姿夕照漾輕縠微茫起鷗羣水氣益靜肅釵頭景上
品汲水燃嶺竹倚蓬候蟹眼七椀涼到腹吾家遺經在
桂名記應續土人牽船住于陸居無屋南風日夜吹生

計在水族修鱗薦春網美並熊蹯熟何須五湖長乞此
願已足便翦茅三間開門俯寒綠

魚龍洞

習坎意彌坦盱豫興仍發秉炬燭幽詭鳴榔溯超忽嗟
峨南其戶虧蔽東之月吹萬墮巾幘盈尺鑑毛髮捫崖
仄容武掬水寒到骨奧區窮珠淵怪境做石闕亭亭紫
芝榮宛宛翠葆揭聲和無射叩象擬有瞽謁昂藏側盾
噲偃僂奉觴厥鱗張作之而首奮辨齟齬秘藏自今匪
開鑿稽古粵難謀造化理信美仙靈窟忘疲睇頻縱愜
賞力未竭歸歟謝塵纓行矣結布襪

癸酉夏日將自埭上旋軫做廬與同學諸君子別

爰賦二律以贈

自慙落拓本書生文社欣聯鄭衛盟四海弟兄同聚首
一時才俊盡知名馬衝橋滑看花去寺掩春濃載酒行
莫道天涯暫相會玉堂期汝共酬賡

半年草草寄萍蹤倦鳥還依舊嶺松綺歲多才應讓爾
苦吟成癖轉憐儂鄉情欲共交情切別酒爭如別意濃
斜日古城重握手馬蹄何處定相逢

培心堂夜集卽席賦呈古心吳丈兼送入都謁選
縣譜已看滿皂囊風流還接次公狂紅牙拍酒秦箏急
墨浪堆雲楚畹香先生能自度曲又工畫蘭烟水九江名士座琴樽
三泖散人裝去年嘗主江州講席玉溪蕭洞通家舊慙愧冬郎與
袁郎

銅龍門外聽簫韶射策身曾到九霄只爲漢廷憐吏虎
却教公輔緩卿貂瓊文擲地知名久錦綬朝天去路遙
闕下定知鳧化後道旁人共識王喬

篁村集卷一

孫男成沅謹重刊

篁村集卷二

上海陸錫熊耳山撰

古今體詩六十二首

雜詩

嶧山有孤桐託根青雲寒上枝承墜露下枝覆奔湍良
工枉回盼斤鑿紛修刊裁爲綠綺琴纖手試一彈迅商
激天雲操入雙飛鸞時流無古聽喧雜情所歡疇聆幽
籟響佇足爲盤桓匪獨鮮知音傾聽良亦難傷哉伯牙
調引領空長歎

冥鴻負奇翰困翮逢颺怒鷓鴣宿叢榛拾粒足自哺至
道尚冲寂庸襟寡明悟紆朱遵洛渚握篆徂益部四牡
清且閒輝光照衢路得意復幾時良非泰山固霜摧嶺
顛葛風隕高塍瓠空以百年身而受槿華誤田園未荒
蕪去去從我素

惻惻輕寒散瞳瞳旭光透幽人眠乍起展卷閒相就微
風開我窗忽見花如繡芳香託柔枝春華日馳驟黃鸝
向屋鳴勸我嘗新耐今日不盡歡明日又成舊啣杯樂
逍遙聊以償永晝

夜雨簡奕蘭

讀罷殘騷意惘然更堪暝色下江天小牀怯雨留燈坐
薄絮欺寒壓夢眠浮世因緣雙屐外少年心事一杯前
張郎亦是秋風客擬向鱸莊問釣船

中秋夜碧梧草堂玩月歌

前年作客向宣州青楓灘上逢中秋一灘一尺三百丈
仰望池陽天上頭龍門路轉舟如鳥斷崖漏入青天小
萬木陰森壓頂寒羿如遲上烏歸早江鄉迢遙望不極
離思獨與波聲繞空山無人况酒店乾臥蓬窗到天曉

去年中秋玉宇清塵衣初脫還家程舉頭不喜舊明月
只喜舊月鄉園明千錢斗酒買不惜饋果錯落鄰人擎
竹光搖杯酒易醉飲戶不與豪腸并兒童熱鼎呼出拜
聒耳喧笑聽無聲此時不識醉中我豈覺天上瓊樓傾
今年此夕又此月渡江十日江干歇黑風夜夜吹南極
長堤苦受鼃鼃噬鳧鷖喜漲入門叫客子荒村獨愁絕
良宵特放弄晴色斗柄垂芒箕吐舌黃雲逐月海上來
慘淡爲帶妖墓血蟾魂不死兔藥靈萬里回光散冰雪
是夜月食張郎顧子晚相過促坐狂呼酒杯熱三更攜燭照

赭顏壯志愁心兩淒切舊事依稀吾還記去歲前年風
景別今年離舍縱咫尺池館嗟非去年拈年年月盡易
地看百歲天涯應遍閱雪泥鴻爪本無踪變幻陰晴詎
堪說但逢有月更有酒痛飲休問東西轍燈闌攜袖出
門去耿耿銀河半明滅玉露涼侵白紵衣桂花如雨蛩
聲咽

有憶次徐玉崖韻

花裏搖鞭度石梁夾城西弄馬蹄香府中小史憐韓壽
洛下分司憶會昌帶笑隔屏拈荳蔻低眸轉袖數鴛鴦

畫樓十二金梯迴容易窺簾問芍嬈

墻頭見說柳絲垂撲蝶尋常出戶遲紺碧染衣看舊唾
硬黃研露寫新詩鳳靴偷印門前劇象管留香夢裏吹
花事不知心事懶一番風雨墮辛夷

好將方勝疊泥金漫把閒愁託素琴乍坼綠蕉同妾意
半燒紅紙見郎心眼狂未省防人覺語細如聞妬月陰
最是玉驄歸去路橫塘十里翠烟深

知君吟到杜秋詩宿誓三生費夢思鳳翦合歡裁被日
蝶裙小坐背燈時女兒南浦銀環冷夫婿東方玉勒遲

莫怪胡麻洞中客外間想像總難持

神絃曲

精靈踏霧前村去畏月楓根暗相語移燈隔竹起眠龙
避入蘆垣不知處鼉鳴巫舞邀神君靈飈撞甲天中間
凝睛無言劍花落赤鸞表襍真檀焚腥盤吹瘦霜煤冷
神來不來河耿耿紙馬紅飄一院光曉楣空閃雞符影

鳳雛曲

丹山萬里桐花涼鳳雛引吭清聲長奇毛浴經弱水碧
仙骨瘦比蓬壺蒼金莖有露不願飲呼吸日月通精光

嗚啾俯視同腐鼠逸志獨與雲翱翔漢家天子建柏梁
阿閣窈窕通芝房琅玕萬顆大于斗金寶纍纍垂青黃
鳳雛有願何所將願上君王白玉堂羽儀須爲聖世出
際會不讓周虞唐玉魚辭鑰啟未央踏星肅肅羅鵷行
珊瑚高懸雉尾動鳳雛鼓翼朝天閭九苞之采燭霄漢
瓊樓十二皆文章此時拜舞銅墀旁天笑吹落爐風香
卷阿復賡大雅什內監跪進千年觴史官握簡紀上瑞
盛事永永傳無疆

主客行

主人長歌客長嘯烏巾折角羅年少曲房窈窕九微紅
侵晨不覺冰輪照楚舞秦謳互抑揚燕姬趙女呈娟妙
鸚鵡杯深玉手擎鸚鵡裘煖銀燈耀身世恩讐兩不知
悠悠翻受吳鉤笑長安城北鴈門東連錢白馬驕春風
手探赤丸三輔裏腰橫白刃五陵中輦轂不驚司隸棒
姓名常厭徹侯通高晏三更曲未終停杯索劍氣如龍
長矛血貫仇頭返笑擲雕盤瑪瑙紅微軀欲報袁吳相
意氣空憐陳孟公古人結交長已矣今人結交竟誰是
公子荒墳春草青老翁俠骨秋苔紫世事升沉如激電

人心宛轉隨流水黃沙廢壘井陘邊趙王端委成安死
刎頸剖心何足多覆雨翻雲竟如此君不見黃金臺傾
國士老白雲飛上田橫島

送劉介亭先生按察福建

柏臺新命肅霜輶手把銀章下九霄八郡只今思雨露
十年何地不歌謠魚龍避節滄波伏花鳥當驄碧樹邀
萬里勲名終報

國便將法律問臯陶

早年珥筆趨青瑣久奉

龍顏曉殿深三尺大夫真鐵面九遷

天子鑿冰心鯨波夜落蕃王表烏島春輸太府金豸斧
威風看坐鎮只今荒徼總懷音

秋夜懷張大奕蘭因呈東臯諸子

碧天萬里火雲收夜夜闌干望斗牛一樹涼颺絡緯夢
半池疎雨芰荷秋幾時鐙影窺新著何處砧聲急暮愁
同學諸君愧相訊葛衫潦倒舊磯頭

鼎實堂歌呈學使李晉寧先生

崇堂壓日驅神鼉蟠竦下飲天光搖芝栴玉碼戴斗杓

當年結構基扃牢我公握節下九霄臯比坐擁芙蓉袍
紅紗障子當風飄後堂那用羅笙簫鎖廳晝永茶沸濤
簾鈎不動花棚高扶梁巨榜丈二饒文取易卦工鐫雕
二陰四陽義曲包以木巽火方亨炮董公健者筆力超
醉墨灑落生鮫綃赤紋鈴印冰銜條顏筋柳骨意匠勞
仰面只訝盤空鵬使車六月辭雲旂攬轡直下蘆溝橋
綉旗獵獵催畫橈渡江雙眼明金焦天廐賜馬青鞵鞞
堵墻夾道看旌旄戟門日落鼙鼓敲萬夫喑寂無矜驕
官奴難燭沉水燒束筍戢戢開繩緇研朱點秃蚶蛤毛

掃除軋茁親風騷摳衣弟子東西曹詩歌鹿鳴舞鷺詔
堂上堂下聲嗷嗷六籍辨難窮纖毫洪鐘叩擊羣聾昭
八州絃誦盈庠膠鳴琴只向堂中遨維鼎象叶剛柔交
兩耳三足供煎熬我仇有疾食雉膏正位自足光天庖
金鉉玉鉉非竊叨磨錢不用占裁爨庭松百尺風雨號
亦有小草生堂坳魚須在手玉在腰看公歸趁含元朝

題問雲詞十二首

少小關心碧玉樓十年一夢斷揚州可憐舊曲安公子
還倚琵琶和白頭

侍兒新錄記初呈話到前身憶姓名控鶴芝田舊相識
蔚藍天上董雙成十平一夢瀟湘恨四鄰書問幾公干
後堂侵曉故淹畱親瀹茶槍送碧甌小婢隔簾呼捧鏡
幾迴欲入又停眸
草草臨風語未終雲鬟親擘玉玲瓏碧桃樹下三更月
珍重人間許侍中
東風深院葳蕤鑰小立花陰特地聽管是玉羅窗格下
自裁黃紙寫心經
雙鈎樣窄線痕香幾疊紅羅手自藏恨殺玉郎頻索看

累儂顛倒縷金箱

舞腰飄泊向江津憔悴桓公淚濕巾十載手攀楊柳葉

只今青眼向誰人

谷陽門外送青驄一去紅顏逐斷蓬身是錦溪橋下水

出山長共濁流東

妝閣沉沉掩夕曛苔痕零落研羅袞巫山曉夢風吹散

小字空教喚阿雲

鰥子春潮燕尾催錦屏還爲故人開早知重見翻惆悵
只合羞郎不出來

微步凌波羅襪寒，蘅皋回望水漫漫。
感甄不賦陳王懶，刻意傷春是五官。

杜曲章臺恨有餘，傷心重寫衍波書。
懊儂一曲淒涼調，子夜歡聞總不如。

春草次徐玉崖韻

萋萋滿眼茁羣芳，淑氣熏人似醉鄉。
長信夢回和淚碧，樂遊風暖趁蹠香。
鷓鴣廢苑嗁寒雨，狐兔荒宮伴夕陽。
烟縷不關寒食禁，故牽愁緒柳絲長。
燒痕隱約入新年，藥徑花闌盡放妍。
色誤翠裙迷蛺蝶

香粘羅襪上秋千，賭釵鬪徹紅樓雨。
中酒眠殘紫陌烟，莫向隋堤問螢火。
目前憑眺已凄然

江北江南景易空，王孫何意負芳叢。
一番遊子征袍上，無限羈人淚眼中。
屈戌舞樓紅雨夢，靡蕪野店綠波風。
楊枝唱罷芳郊暮，十里斜陽逐玉驄。

苔碑休說漢陵荒，愁緒江干正渺茫。
大地幾時銷病恨，昔人曾此踏春陽。
六萌車輓花迷渚，十幅裘埋絮滿塘。
誰似柴門張仲蔚，一庭深閉杜蘅香。

讀史漫興

百川齊注海東頭使者河堤借箸籌豈有宣房沉白馬
但聞蜀水鬪蒼牛地通鼉窟千尋浪天人龍門萬里流
滿眼藿蒿淮泗上至今遺恨武安侯

黑河殺氣暗天長荷戟新徵六郡良萬馬夜窺邊月白
七星寒擁陣雲黃尙書都護安西府屬國分符日逐王
今古只看秦塞險賀蘭千嶂接蒼茫

戲鴻堂石刻歌

乙亥李學使科試作

昭陵玉匣不可見定武蘭亭亦堪哂人間何處繭紙存
棗木空將辨畦畛宋家閣帖已晚出歷盡劫火燒鐘簋

裂痕銀錠知是非坐使蛟螭雜螻蚓隨人作計無不可
與世爭能豈其準有明書家誰第一尙書太僕無矛楯
雲間墨妙世尤重鳳閣鸞臺盛推引生平畫學米氏法
驅染烟雲潑殘瀋那如書法更軼倫銀鈎鐵畫誇難盡
玉堂奉詔每有作內使促召飛雙靽酒酣掃筆隨所施
尺幅價抵雙文錦新羅百濟海外州寶購爭傳似薪捆
滄江歲晚歸臥穩白首揮毫到神品百家臨做不停腕
次第胸中了能審澄清太清格絕佳生態瓜離謝枯窘
紛紛耳食說淳化屈步尋條論非允奇哉尙書下筆親

略貌通神轉道緊會稽以後張一軍北海平原峙邢尹
尙書直起抗顏行肯學龐涓怯孫臏邇來書學太放紛
牋麻搨本多叢筍濃纖肥瘠漸失真巨眼方能別楛箛
尙書檢勘意良苦貞石照耀今難泯一自江東厭鼓鼙
橐駝交跡車連軫鴨頭鹿脯化作塵玉躡金題總堪憫
煥然神明留妙蹟墨光猶射霜天隼定知鬼力深護持
陸避靈夔海潛蜃千秋配食趙承旨後生望古情難忍
鷗波亭子戲鴻堂絕代風流兩文敏

舟宿白蓮涇得吳大冲之見懷作卽用韻却寄

停橈向空江暝烟散叢青三更下風露天宇轉寥廓故
人枉書札三復停雲作歡娛罷琴酌良會久寂寞伏枕
更攬衣太息感今昨緘意託修鱗寒潮正東落

旅舍對酒

樂酒當今夕悲歌感昨非爲儒生計薄遠道故人稀少
壯行殊昔田園胡不歸誰能信漂泊終負越山薇

袁崧墓

多難隆安日孤忠長合侯黃雲滄海陣白骨戰場秋壁
壘餘荒蔓經過弔廢邱孫盧前事在立馬重遲留

永定寺

精舍留初地苔碑失記年
寒潮清梵裏獨樹劫灰前五
字青邱子千秋白足禪不勝
今古意落日下蒼烟

巽龍菴看秋色

五色斑斕傍梵宮恰如桃李鬪
殷紅却憑幾夜西風至
儘得春光滿眼中

禪院談深鳥散烟
樵蹤細遶綠波前
巽龍橋上重回首
十里紅霞欲暮天

送歸昇旭歸常熟

落落相逢罷匆匆別袂分
北風吹五兩南浦送夫君
京洛塵猶在家山興不羣
遙知故園樹紅雪正紛紛

一棹吳淞口茫茫綠葦汀
隔江楊柳調落日短長亭
春色迎陽鴈潮聲滿洞庭
樓回望好七十二峰青

一別長安邸臨風念起居
却歸尚湖曲憶過鯉庭餘碧
嶂環先隴烏衣入舊廬
十年釣遊地鴻爪意何如

見說虞山路烟花照眼明
柳塘春繫馬燈舫夜聞笙
草沒言公井鶯啼越女城
君歸擅高唱臨眺若爲情

寄施硯齋甘肅

簫條匹馬古涼州城畔交河向北流萬里音書青玉案
十年關塞黑貂裘明燈漏下看磨鼻橫槩篇成賦遠遊
不道書生無燕領漢家新拜岸頭侯

飲芭蕉露和點雲夫子

廿載抽心傍畫檐仙葩含露貯冰匳會無玉楮花還巧
可是金漿味亦甜日壓一枝和影墮雲封千片帶香黏
吟成怪底涼如許爲有靈丹潤筆尖

瓊漿吹下碧雲端滴滴勻調玉屑餐漢女弄珠浮太液
銅仙擎掌憶長安非秋垂豈供僧筆不夜光疑映月丸

凡骨也叨餘瀝賜一杯常自沁脾寒

哭顧甥六吉

一棺風雨掩青春兩地蒼黃慘不禁七十年中新舊淚
三千里外信疑人夢中誰省童烏事地下寧拋老鳳心
關路可憐渾未識幾時飛到鯉庭陰

清明後三日同人集青蓮禪院文讌卽席賦句

流鶯喚客棠梨大草長鳩飛雨初過晨鐘未歇粥鼓鳴
共向招提伴高座墨花慘淡鸚鵡睛文成擲地皆金聲
回頭却笑習池客騎馬但逐兒童行

百雉迢迢控蘭若柳港迴通敞孤閣仙人鸞尾高矗雲
桃花初紅杏初落麥苗剡剡翠欲齊黃鸝拂檻飛還低
風光如此不痛飲酒鎗空負銀留犁

露香池上開名莊紅闌略約通魚梁豪華事往二百載
至今雲水空蒼茫烟際斜陽一歸鳥阜春山館俱荒草
吳歌水調唱未成令我指顧傷懷抱

南州居士老更顛傳詩復有毛公賢張衡沈約皆賦手
逸氣爭羨人中仙諸公磊落富才調便合金門待明詔
鄙人嬾散百不如聞說長安但西笑

題友人探梅小影

寒玉滿生綃銅坑路未遙遊心隨急雪飛過虎山橋
身佩蒼精含景行攜阿段獠童不用扶藤着屐踏遍崦
西崦東

撲帽飛花折柳綿瑤枝拗得當吟鞭高情合配孤山叟
莫認襄陽孟浩然

丹鳳樓秋集

睥睨低雲石磴涼筇枝幾隊踏秋光簷前日月懸天地
檻外波濤捲宋唐塵事只應供白眼菊花何意笑清狂

醉中遙指蓬萊近碧海三山入渺茫

荷珠

鈿扇參差倚碧湍輕雷初過影團團
蓋搖漢女攜難定
裳濺鮫人拭未乾斗帳浴餘瓊作佩
冰簾舞罷翠爲盤
吳波滴露凝紅粉交映愁粧十二闌

灑向芙蓉紫柄攢阿誰咳唾落雲端
掃來只換吳姬曲
穿去難分洛女紈風墮半畱搖影細
葉敲齊碎散光寒
本來色相原無着欲覓菩提碧水漫

雜興二首

暝色來天地茫茫下急流歲窮風雪裏
心折稻梁謀
國思持節關河有汎舟寒雲低野哭
獨立迴含愁

瀚海闌干曲愁雲慘淡中右軍亡趙信
前隊起田戎
都護師仍老行人節未通何時事春作
旌旆玉門空

贈陳雲村時讀書申江書院

陳君國士姿慧業本天界摘文實瑰奇
一出盡驚拜
高標月澄朗雄辨泉澎湃握管掃千軍
勢若橫行噲垂鬢
忝知交不作流俗態文章相磋磨得失
互勉戒自慚
雜嘉禾母乃諳蕙稗城隅起書塾連衡
似公解小山桂連

蜷回廊竹陰藹重簷切雲飛不受白日曬晨昏發弦誦
往往答天籟君移讀書帷一室自掃灑牀將白板支冊
以素几載巾枷與衣篋一一無缺壞活火曉初然茶鐺
自吹鞦阿咸我家駒卒業髮初髻一從筮盍簪驅策愁
不逮結契在形影不啻衣與帶聯牀倡新吟把臂叩昔
誠是時建午月綠蔭滿牆外枝搖墮黃梅葉捲露青柰
披襟受南風不數大王快芭蕉壓簷齊滴滴流沆瀣星
闌唱鄰雞驚起整巾帨盥手上簾鈎焚香撤爐蓋攤書
運元精矻矻不敢懈沉潛六經旨盍以觀大槩書參古

今文詩別齊魯派程朱義能咀馬鄭說不汰卮言盡鑿
除何異搔癬疥發篋探史書歷歷羅百代龍蛇幾紛爭
指掌識興敗義和倏西馳篝火不辭憊三更月慘淡雜
誦如梵唄膏殘畏蛾撲心靜忘蚊嘍新文走筆就速若
催急債旋機奔江湖豎義高泰岱定知牛斗間夜夜起
光怪遊思在宏業天地納一芥胸中吞八九豈獨雲夢
隘儒生經濟才所學誠遠大菰蘆此棲息廣廈終自賴
幸逢

聖明時乾坤正清泰國風何冲融上與三五邁猗那奏

篁村集
清廟銘石標絕塞天門鬱嵯峨羣英競奔會臨軒賜顏
色論議多切剗君能培羽翼一舉寧復鍛早晚陟金墀
不用焦靈蔡平生良友情努力幸自愛不負窮廬心爲
人起疴瘵

篁村集卷二

孫男成沅謹重刊

篁村集卷三

上海陸錫熊耳山撰

古今體詩六十二首

題談秋帆師飛仙圖

海波瑟瑟風刁刁宮闕虧蔽蓬萊遙身騎黃麟揖子喬
夢耶覺耶同遊遨先生纒巾青纈袍凌攝梵炁行空寥
虛無指點踏巨鼇倏忽身落三山椒崑崙主者降碧霄
羣真雜還羅幢旄隱元朱明各見要坐考雲笈鳴瑯璈
瑤筵罷會彩霧消太乙玉女相招邀鸞文之裳錦作條

英英顏色如陵茗白光迴旋牛斗搖玉鑑拂拭塗鴉膏
千年老鹿禿不毛作使左右同兒曹芝田雨過耕藥苗
一聲叱起山雲高飛龍躩踞白鳳騎翠旗獵獵回奔颺
雲濤激撞聲怒號髣髴東渡秦人橋碧城十二相周遭
來往那得朱顏凋神山無梯不可超一笑塵世風中匏
吾生如芥浮堂坳苦受水火相鑄雕十年慕道夢想勞
望而不見心怱怱相從徑欲負兩瓢坐看講罷瓊花飄

題葉二葯岑觀穫讀書圖

茅堂卜築山之阿印文百曲琉璃波長橋窈窕更幽絕
萬株楊柳東風多葯岑閉戶愛著述獨擅古調彈雲和
綾籤撐架一千卷字字刊核無差譌江南八月涼雨過
黃雲萬頃堆嘉禾雄雞爭場稻牀出橫腰霍霍鎌新磨
清晨課罷蹋壁卧枕底忽落吳儂歌柴門自啟日影正
東西負手隨逶迤悠然義皇以上世不受俗客相譏訶
紅塵擾擾道路子車馬但見肩相摩五更攜鞭出門去
風冷褶袴霜凝鞞何如幽居在原野朝饘暮粥時行哦
故莊我亦久棲託十年雲水空蹉跎買田不負陽羨約
卜鄰與子期婆婆深秋况復稻正熟霜螯滿簾橙新搓

爲儒冠誤安知獄吏尊秣陵秋暮雨慘淡哭羈魂
驃騎航頭話真成死別離何時聞唳鶴無處逐斑駘意
氣空疇昔文章付阿誰猶疑舊顏色明月動書帷
萬古鍾山下滔滔逝水聲風雲見幽憤肝膽累才名世
已疑公幹書室上建平九原如再作只合事躬耕
縛屋西奈隱前盟事寂寥未須論白黑終是負漁樵吾
道今仍賤誰人意獨驕可憐故山桂回首颯風颭
白眼阮從事平生有阿咸大名君不朽貞石我應鑱昔
夢思題燭前期誤落帆採蓴亭下過涕泗濕青衫

讀史雜感

地陷天崩樂未窮石家父子自英雄凌霄觀外漫山火
忘却妖星下鄴宮

良家都統少年名高笑江東草木兵不得昌明爲僕射
可憐枉自殺陽平

玉柱歌殘阿得脂尾長翼短意誰知君王不信魚羊讖
五將飄零愧此時

領軍虎視跨江東鼓吹聲沉建業宮輔國不愁無十萬
殿前拍手笑匆匆

孫寧千秋例本同玉輿下殿苦匆匆河流東去人西上
一慟長安落日中

萬安陵草鬱葱葱麥飯孤兒恨未窮若問與夷竟何處

九原應愧宋宣公

陳文帝卽位詔云若問與夷無愧陵寢

建康宮殿莽榛蕪白土岡前戰骨多江左衣冠道應盡
不須苦怨任蠻奴

阿廢奪嫡太心長辛苦當年絕色荒若遣麗華留禍水
不教搥榻誤文皇

雨中入中峯寺坐水明樓成二絕句卽次念亭上

人韻

香閣昭曉物外情芒鞋衝雨踏梯行拓窗愛看遙山好
坐到深廊佛火明

虬枝屈鐵老莓苔猶有疎花帶雨開爭似虎山橋畔路
一溪風雪跨驢來

蔣大芝巢蔣二琴山招陪沈歸愚宗伯彭芝庭司

馬及諸同學集繡谷送春歌

荼蘼風起晴鳩啼曲巷過雨生春泥紅橋四百芳艸暮
落絮飛遍昌亭西樓頭花枝樓下雪流光匆匆坐成別

名園上日羅衆賓共惜江南好時節江南春漲青接天
十日正泛沙棠船白蕉之衫高齒屐乘興來醉櫻桃筵
竹梧交陰做瑤席黃金叵羅持勸客良辰勝事本難期
復見風流照泉石簾光泛綠池水平碧蘿裊裊含烟清
石牀洗盞更盤礴欲落不落斜陽明東風無情鬢成素
多謝流鶯喚人住倒載狂歌歸去來明朝酒醒春何處

春郊射獵圖爲蔣蟠猗賦

紅杏花明玉勒驕平蕪草暝麥烟消綠波微雨江村路
柳外垂鞭渡板橋

少日論兵絕嶂頭滄浪歸弄釣魚舟白登春草調鷹地
重向江南憶舊遊

松花硯古墨雲香清晝疎簾寫硬黃却向郊原鬥身手
柘弓親臂射生麇

青瑤池館夜集分賦得石字

涼月松際生流光滿溪白開軒引蘭酌幽襟契泉石禽
翻竹風疎人語桐露滴不有池上吟誰爲永今夕

遂初園歌賦呈拙菴吳丈

先生家本天都峯丹梯鐵鎖攀芙蓉白雲如海蕩胸臆

手弄明月驂茅龍十年夢落滄江曲却向巖東縛茅屋
自有前期侶向禽何妨混迹同樵牧桃花滿溪溪水香
柴門晝掩山蒼蒼園林結構足佳趣枳籬百曲沿滄浪
葛巾方袍自來往芳徑無人碧苔長急雨微生竹院涼
暗泉細落松根響紅橋窈窕碧玉流興酣散髮乘扁舟
仙源路轉豁明鏡倒影忽浸花間樓先生平生此休息
林下清風滿泉石短鍾常攜劔藥童方牀頻約圍碁客
西園昨日花亂開置酒邀我臨高臺華林魚鳥趣方永
下若尊壘晚更催相看綠鬢顏如昨不用巾箱圖五岳

結習難忘蠟屐心息機真羨披裘樂別有江湖憔悴人
年年席帽苦風塵攜家欲就橫塘曲射鴨撈蝦作比鄰
和少華竹嶼病起相晤曇華閣之作

釵頭滄茗綠槍沉料理寧煩砭與鍼說劍書成風瑟瑟
翦燈話永雨悒悒泛秋十指譜琴德結夏三時識磬心
賸有新篇同漢上薔薇浣露一開襟

六月高齋暑氣無藥鑪經卷未嫌孤漢碑鐵畫摸文讀
宋軸牙籤換錦糊問卜昔曾煩季主著書今喜共潛夫
扁舟相約乘涼去晚飯銀鱗下箸腴

中歲心情嬾似嵇下簾花霧晝常迷鳧翁夙夜分行宿
鳩婦陰晴各樣唬衣綻七條參梵夾訣傳九轉問刀圭
風塵席帽趨時客手板憐渠到處齎
婆娑楊柳悵洪喬跋扈飛揚興轉饒棄物我應同苦李
彈文君已恕甘蕉仰天却笑程生馬拍案頻呼雉作梟
袞袞錢刀緣底事幾人華髮未曾凋

寄內絕句

皋橋橋畔謝家樓曲院蕭條鎮似秋十日闌干吹細雨
故園楊柳不勝愁

憶聽晨雞送別鞍相思遙隔海雲端紅燈寂寞天涯醉
無那烏啼落月寒

門前日日送輕潮南浦歸舟別夢遙想到落梅風信急
小樓殘燭雨瀟瀟

深巷家家乳燕飛吳綿昨日換征衣夕陽芳艸江南渡
落盡蘋花客未歸

伏雨闌風下五湖平原極望長蘼蕪知君日夕思千里
曾對東南孔雀無

江上愁心鬢欲斑明朝樂府唱刀環孤舟爲憶楓林泊

落日千山更萬山
過德雲菴贈蕙園上人

隔溪仙梵遠微微
開士祇園獨掩扉
幡影日高馴鴿散
鉢烟春暖毒龍歸
佛幢古殿晴雲落
法鼓空林暮雨飛
一問楞伽坐惆悵
十年塵海素心違

七夕和韻

半捲蝦鬚控紫瓊
盤壁半夜初陳雲
駢寂寞星河冷
畢竟良宵屬世人

半夜輕寒散碧颺
片雲飛過影垂垂
鑿天誰到牽牛處
流入黃河無盡時

玉露金風年復年
前期惆悵合歡筵
七襄空說天孫巧
不及媧皇會補天
皓齒明眸恨若何
驪山劔閣兩嵯峨
我便教蜀道同歸去
爭似仙家歲月多

登橫雲山放歌
丁丑李學使歲試作

吾生不能赤手坐
跨琴高鯉又不能鳴
鏑橫穿玉門壘
如梳翎鶴負殼蝸
側足風塵困泥滓
此生當著幾兩屐
蹴躡騎驢吾衰矣
青童玉女笑向人
那不餐霞飲石髓

橫雲之遊吾游始昔訝圖經偶遺此古人不以名廢山
長借頭銜陸內史乃知洞天福地往往畱仙踪不然亦
是抑塞磊落奇男子阿童復阿童浮江奪天壘平原雨
瓊枝能令武皇喜東吳丞相婁侯孫可憐但貴洛陽紙
南風傾城八王死與人家國區區耳華亭鶴唳那復聞
日落空山嘯山鬼野夫弔古興未已蹋泥却上層霄裏
丹梯十步九曲折數峯秀出芒鞋底鷺毛一點團泖潮
中湧地肺朱陵似墨痕杳渺漁舍浮彷彿柴門亂葭葦
仁王塔頂三百六十風鈴懸黑頭浪翻一一遙見沙禽

起白雲逢逢漲巖背倏忽千林漫紅紫夕陽墮地青天
空但有井車參旗昴鉞東西指境幽神愴難久住腰脚
彎環更倚徙金箱五岳空爾思如此江山豈非美吾笑
歲星精殿前執戟長安米吾愛謝安西東城別墅東山
妓蹉跎難鑄六州錯婚嫁那無十口累明年人海掉頭
去息壤吾知應在彼有田不磽屋不圯去山一里水二
里田栽三畦兩畦菘屋繞十株五株李手擊竹如意坐
隱烏皮几梅花白酒釀百缸臘甕青魚泔千尾更須餘
貲買斷吳江鴨嘴三板船日弄烟竿泖湖水

聞木樨香有作 同前歲試作

閑居味禪悅心與木石比頗思道場樹香覆功德水涼
秋桂敷榮馥郁滿窗几鼻觀本無香觸著亦可喜如聞
旃檀林下有杪欂子山河悉自說我不喧口耳悟處非
風幡誰能契無始黃龍老龐眉無隱義則爾何由侍巾
綈微笑樹一指辨香拜涪翁風流亦渺矣跣趺憺忘言
偶會妙明旨回瞻小山叢如霰落未已

北城對月懷葯岑因寄

吾兄古狂狷淵抱衆莫識著書東海上門鮮車馬跡一

鼓昭氏琴拂拭三歎息浮雲西南馳日夕坐相憶相憶
夫何爲良會異昔時君家南湖濱彷彿夢見之大江有
波濤歸禽上高枝日暮期不來杳杳寒鐘遲寒鐘下嚴
城明月照我屋芳華忽晚晚春草萋以綠道路非阻修
無由展棕曲何當攜襪被相就高齋宿高齋渺天未煩
思託柔翰遺我尺素書報我蜀錦段統如鼓未已涼雲
渡銀漢朗咏微波詞茫茫夜方半

時葯岑以所作微波
新詞寄示讀尚未竟

故道
及之

寄施上舍光祖廣西

玉鱸筵下惜分攜度嶺浮湘去不迷八口飢寒故城北
一身涕淚大荒西枕椰驛暗宵防虎斑竹祠深午報雞
遙憶逢春初卸馱滿天風雨郭公嘯

過古香園夜飲有懷

掛席空江正落潮故人家在素雲橋春當別後方堪惜
路可頻來未算遙積雨乍收山悄悄歸禽欲下竹蕭蕭
話闌忽憶沙塵劫五夜吞聲賦大招

飛鴻堂印譜歌

洛陽已沉卞和玉秦章千載侈空譚附城椎璽事亦往

欲訪漢字今誰譜歐陽集古恨晚出虎彝龍鼎窮幽探
羲娥已遺拾星宿醉翁地下應懷慚後來好事能做古
此道不絕畱鐫鑿離奇婉秀各殊式並驅廣陌交驂驪
羣聳莫昭世多怪遺譜零落巢書蟬飛鴻主人嗜奇最
金石刻畫情尤耽巾箱羅列萬球貝古印一谷烟雲含
藍田琢成形肅穆青穴削出姿靈竅流霞結紋蘊靈氣
盤螭抱紐飛寒嵐誰誇鐵筆好身手三寸橫掃神清酣
殊材絕技盡呈巧獵取不讓貪夫貪箕張昂萃列天象
瑣細屈曲攢春蠶文摹趨趨悉詳訂義本史許咸精參

方珪圓璧隨所製一日常與摩挲三部分甲乙列首尾
綠綈重襲加瑯函辰州丹砂雪色紙開卷刮眼清光涵
搜羅用意亦良苦生活冷淡心仍甘却唾華堂鬪竹肉
樂事毋乃譏沈湛鄙夫稽古愧不力六書未解空愚憨
欲尋波磔辨斯籀正似食肉參瞿曇抱持此卷忘晝夜
如箝在口嗟何堪何當叩閣問奇字芒鞋徑踏天都南
北春雜感三首
不知造物我何親蚊睫蝸巢付此身只以韶華供涕淚
難將世界論沙塵十年心事愁中雨三月鶯花夢裡春

識得妙明清淨理須彌盧頂是前因
買山沉宅兩蹉跎滿眼韶光喚奈何傀儡排場聊復爾
漁樵爭席總由他心情懶似秋風客見解輸渠春夢婆
我欲起爲鸚鵡舞夜闌拂劍一悲歌
可憐花信太匆匆溪杏山桃撩眼紅蠟屐會消幾兩好
觥船難遣百分空荒唐世局程生馬憔悴年華絮逐風
手把釣竿吾計穩接天新漲五湖東

遊橫雲山同陳雲村孫筠亭分賦得五古

火旻澄夕霧桂岸沿輕橈雅尚契清曠惠好期逍遙崖

虛積蘚圻徑顯叢蘭凋漫漫溼雲屯瑟瑟槁葉飄攀陁
仰延脰趨峴俯折腰鳴篁夏媧絃厲澗縱虞韶向背見
林壑寒暄變昏朝落日動大澤浮光麗單椒層巒抗紺
宇曲棧掛虹橋名流絕髣髴廢館闖牧蕘物往悼遷斥
蹤存委蕭條繕性得游衍殊觀滌煩囂本慙邱中賞言
暮谷口樵于焉遲嘉客薜荔若見招結廬庶前諾散髮
申長謠

題晉陽申五兆定山樓聽雪圖卽送其省觀杭州
冥冥寒色低壓檐千巖萬壑開銀奩天公昨夜勞玉戲

樵徑絕跡山埋尖孤茅天外誰所縛玉虛樓閣清光添
幽人高枕聽蕭瑟明窗透影疑冰蟾橫空曉起發奇賞
四面盡拓蘆花簾朔風亂吹柳絮落冬序瞥見繁花粘
乍如雪覆卧竹箔食葉上下飢難厭又如鐵騎驟風雨
銜枚將令森兵鈴簷條墮折碎珠響凍澗撲入遊魚險
長松振鬣遠撐突稔挈亂蔓驪龍髯空山無人萬籟寂
聞根不斷神彌恬却思踏雪控金勒霹靂應手弓初拈
豪情爭如逸致好登眺不畏寒威嚴斷橋殘雪景尤絕
山水勝事君能兼驪歌唱罷送征棹短衣空愧塵容黔

題陳研齋竹磻清唸圖

披烟適幽踪撫篁愜心賞層阿睇非遙曲渚遵未枉密
籜媚雨翻叢筠切霄上晞陽難畱光含飈易成響急沫
激潺浚停瀾散瀼潏吟和壑音清咏答天籟爽一鼓風
中琴彌結物外想鑿止入化機得性任怡養幽期以蹉
跎夙尚懽獨往高辭蘇門蹤興發剡溪訪跂予懷歲寒
何時脫塵鞅

雪蕉

不向朱闌映碧茵盆山高裊露如銀班姬心展瑤釵夜

盧女花明翠障春銜領冰霜真耐久色嫌脂粉倍清新
最憐一卷蠻箋樣綠雨陰中寫洛神

賦得絲萼

戊寅李學使科試作

秋序平分候萼絲縷漸增帶長匙欲滑條細箸堪升冷
割龍髯墮柔依釣竹登正應三日織簾捲一池冰菱角
香難擬鱸魚事共徵隨波青暗曷入金碧交乘洛下欺
羊酪秋風引季鷹何當理烟艇薄采赴波澄

過飲朱棻山齋頭卽席賦謝

綠酒紅燈漏未央相逢同醉少年場樓臺星動千門夕

鴻雁天低十月霜
拓戟勝遊連下杜
啣杯上客盡高陽
明朝風雪瓜洲渡
刻燭前期興不忘

時將有渡江之役

題王石泉小影

松根不受照照在百尺枝
千林競延首到處見一規
雷霆轉空山水石雨不知
中含一月光散作千瑠瓊
流形信無住喧籟誰所爲
醍醐與香酪大味本一卮
夫君妙明心豈復橫氣機
嗒然坐風露世界觀須彌
無言亦無想便叩文殊師

春日感懷口占示內子二律

淡淡輕烟漠漠塵
危闌獨倚黯傷神
顛狂未省緣何事
愁病誰堪併此身
花徑冥迷三日雨
酒缸岑寂一杯春
浮家知汝非無意
便斫長竿縛釣綸

門楣仰託愧家風
一代文章太史公
道韞有才如羯末
黔婁無術但暗聳
懶求負郭生涯薄
苦愛吟詩習業窮
賸欲累君收散稿
他年端不悔雕蟲

篁村集卷三

孫男成沅謹重刊

